

大丘徐氏派譜序

凡氏族中吾徐源流之遠爲最徐與秦俱出栢翳國於三代之世有諱偃是爲衢州王也得地中文德爲治一出於仁義四方執玉帛咸賓祭于徐之庭者三十有餘國也彭城武原山下有徐王祠支縣龍丘有偃王廟名公巨卿繼跡史書徐氏十望其九其後箕子率詩書禮樂醫藥卜筮等五千人東來時有諱延始入朝鮮東史稱徐那伐是歲月浸久矣新羅朝阿干大夫諱神逸漢仁厚德種美毓祉所以尚其德而匪直考其世而已至麗朝內議令諱弼太保內史諱熙侍中訥兩界兵使諱恭朝奉大夫軍器少尹中郎將諱閔判典客寺事諱益進戶曹典書諱義諱彌性始入我朝徃徃有德業文章焜耀於鍾鼎彝器以

忠孝爲力田以詩書為家傳崇賢祠忠烈祠其他院宇全鮮有  
十有九個所文謚十有六君封有五五居魁元再興文衡重陟  
黃閣三入耆會也若漢之七葉餌貂唐之八葉宰相尚官非尚  
德也易曰箕子明夷利貞竊願諸族守孔子孝友爲政之道而  
行箕子之貞斯可謂內艱而正其志者也譜詳之難莫難於義  
例周官小史之辨昭穆尚其義例莫得而詳晉魏以降代各有  
圖譜局使博古通今之士掌其事故人不異譜譜不異例及至  
五季此法盡廢矣宋興羣儒繼作各以己見爲譜則歐陽永叔  
漢之年表爲法蘇明允以大小宗爲法二者各有所主莫能合  
一矣我中葉肅宗以來譜規浩大收合百世之族以修大同  
譜補以美事者爲其族輩之散處各域十世爲一家千里爲同

閑有其哀慶頓不相識一家同閑之誼安在乎故必不欲其然也凡末由之弊出於浩煩理勢然也槩言其弊則大同修譜爲難重而家乘修譜爲容易者奚以捨易而取難者耶然則麗朝譜晉版圖公派亦系達城必是同貫而世代已遠譜牒無徵未能明知其他利川扶餘長城連山南陽平當之徐各有中祖別立門戶不知封分在於何代族派分於何世自古有傳疑之例而已不計其昭穆而敢自渾錄則難免上以失先祖之懿德與墳下以紊後孫之派流與居地他日花樹之期尋於何所而的稽何處乎大抵族之盛如木幹枝之繁如水源流之長世積流長人分萬億其長之者益遠其繁之者尤盛則當其時可知修譜史乘之難易也少尹公以上冠冕相襲矣雲仍中替及夫忠

爾公始克昌大舉四丈夫子則派別愈蕃將不知其麗不憶所謂大同譜浩繁不簡百弊層生豈非美事蹟躅美事者字各別其派各修其譜以乘其祖以系其孫則上可以系祖先之懿德下可以攷派流之分明也義例則一遵舊譜圖敢或變更者不得不從實錄也余自少時每觀人之祖先失以無稽散以無攷心常憂之是以折衷古今各家之譜規以修派譜奉此譜者思靈芝之根醴泉之源勿以遠而忘之踈而忽之則親睦之心油然而生雖至百世庶無負同譜之義云爾

丙申七月旣望 藥峯十一世孫敎官丙喜謹序

徐氏之譜不傳於世故不知所始而或云達城利川之徐同出一源夫權金同祖新羅鮮于韓竝系箕子則一徐之同貫理或然矣文獻不足無可考信眉州之譜不及蘇長史又何害也嗚呼同氣爲兄弟兄弟之子爲從再三從而服不免焉服不免則固遠矣然自其禰而及其祖以溯其所自出則本乎同氣今於吾不無親疎而自祖先視之則均是子孫也人無不愛其父母以其愛父母之心愛其父母之所以愛則雖易十世亦何遠之有哉蘇明允之言曰塗人也吾以是惑焉執塗之人而問焉則姓不知也曾所昧也宜乎喜不足以慶憂不足以吊遇其族而問焉則共此姓也同吾祖也戚然而感欣然而悅不知其所以

然者乃人之情豈可與邂逅萍逢而曾所昧者同奔而語哉於  
是收錄内外族以爲大丘徐氏譜仍竊念我徐不顯於農朝入  
本朝始大於四佳先生而中復衰微幾乎嗣絕至于忠肅公亦  
卒而孤及長有四丈夫子百餘奔間內外子孫繁盛殆將千數  
而得姓亦且二百有餘人世襲冠冕科第不絕蓋自國朝以  
來五居魁元再興文衡重陞黃閣三入耆會而時危世難亦未  
有身蹈禍釁貽累門閥此實我祖先深仁厚德種美毓祉以啟  
我子孫無窮之休吁其盛矣乎哉茲以是勉飭緝昧仍以爲識  
後孫大匡輔國崇祿大夫議政府領議政兼領經筵弘文館  
藝文館春秋館觀象監事世子師文重謹識

徐爲達城之望族而古無譜也我仲父領相公襄為二編而歛  
刷之書成於肅廟壬午今已三十有五矣子姓愈益蕃後  
屬愈益疎幾至於路人者有之今左相公惟是之憂又蒐輯而  
添益之前譜中闕誤者考訂凡例則從舊而類詳摠爲五編噫  
古人重修譜所以明代系也辨昭穆也自我臯祖父公冠冕  
相襲而雲仍中替及夫忠肅公始克昌大卽今載譜之外孫  
襲半於朝廷而皆祖於忠肅吁其盛哉凡我忠肅之孫孝友  
於家忠勤於國不處權以保身不盡福以遺後一以忠肅為  
法無或墜失則吾宗其庶乎而後昆之蕃昌又可量耶此兩議  
政所以眷眷於修譜之意也嗚呼其勉之哉抑吾有感於斯先

考貞簡公按察湖南也刊行先誌世稿而領相公寶主編摩今  
不肖又忝是職而左相公增修家譜使之相役事若有待於前  
後則不肖烏得無一言姑書其槩云爾後孫通政大夫守全光  
道觀察使兼兵馬水軍節度使巡察使全州府尹宗王謹跋

乙未舊譜序

事之有待不其信矣乎哉昔在丙子年間命膺嘗侍話於奉朝賀公公縱論古今圖籍以及世譜命膺請曰譜之難莫難於義例周官小史之辨昭穆尚矣其義例莫得而詳晉魏以降代各有圖譜局使博古通今之士掌其事故人不異譜譜不異例及至五代此法盡廢宋興羣儒繼作各以己見爲之譜則歐陽永叔以漢之年表爲法蘇明允以禮之大小宗爲法二者各有所主莫能合一我國族姓之譜亦如宋朝人各爲書門戶殊別而鴻儒碩士競出新意飾其義例頗彬彬可觀然其年表之中寓以宗法則猶未也公蹶然曰吾家譜丙辰增修之後今二十有餘年後承益繁衍昌熾吾與若可又增修也增修則其必兼

取衆譜之美乎自是七八年公研精覃思閱諸姓譜十數家去短取長更立義例要以年表宗法爲其範圍既成未及付剞劂而公下世矣命膺每念公遺志必欲梓行然事巨力綿因循累年有時興殆若孤負公於泉壤之間未嘗不慨恨也昨歲甲午浩修忝爲湖南伯則先是祖考貞簡公刻碑稿於湖南營先考文敏公刻前譜於湖南營矣諸宗人咸曰是譜遷就無乃有待於今乎遂合族於大宗宅使浩修與宗人之爲邑宰者鳩其財力又使宗人之嫻習譜學者增補丙子以後生卒昏娶官秩始克付剞劂而道其所以有待者爲之序後孫崇政大夫原任吏曹判書兼判義禁府事知經筵事弘文館大提學藝文館大提學知春秋館成均館事世孫左賓客命膺謹序

戊寅舊譜序

達城之譜至是凡四修矣在昔乙未譜之成也叔祖奉朝賀公暨三從叔父奉朝賀公寔先後主其事以漢氏之年表叢其義而宗法寓乎其中詳悉精嚴號爲諸家之最既又定爲三十年一修譜之例以詔後人蓋三十年之積而爲一世幼者壯壯者老雲仍益繁世派漸分若因循無譜以繫之則名字之相混支別之難辨幾何其不爲路人也此兩奉朝賀公眷眷以世爲期之意也今去乙未四十有四年矣余深懼孤負遺志自甲子後輒舉是而飭勵諸宗則謂余屬尊宜有以董成焉余亦念乙未從伯氏後實有與聞於譜事今其時長老及讎校諸人論謝殆盡而獨余猶存後死之責義不敢辭於是奉舊訓而因墜撫徃

事而增愴悉取後承之可書者以增修之而其叢凡起例則一  
仍其舊囑宗人之爲營閭邑宰者各捐俸而相之已始剞劂  
戊寅重復釐正工始告訖其視三十年之期忽已遲却十有四  
年雖因事故之相掣而不能無慨恨也噫古者世譜掌於官由  
其門地族望爲之辨婚姻叙銓選典莫重焉而於以推吾宗之  
義敦一本之親者寔在乎是譜之修可易言哉凡爲吾 祖先  
之子孫者苟能各思祗勉世世不負兩奉朝賀公詔後之至意  
則將不知幾百三十年譜屢修而至於無窮余又淡有望於來  
許者也譜既成請余一言以弁之余雅不嫻修辭矧今年迫九  
耋聞見多失耄荒之言何足以敷揮而重違諸宗之意略叙其  
顛末仍爲之書後孫大臣輔國崇祿大夫原任議政府領議政

兼領 經筵弘文館藝文館春秋館觀象監事謹修譜序

壬子舊譜序

譜所以考其德也凡子孫之世祿爲難而世德爲尤難此吾達城譜之所以尚其德而匪直考其世而已也嗚呼十世之譜可以觀德粵我祖先毓德諸祉劬躬盡後而世世食祿之家殆半朝籍往往有德業文章焜耀於鍾鼎彝器而以孝悌爲力田以詩書爲家傳若漢之七葉珥貂唐之八葉宰相尚官也非尚德也何足以甲乙其門戶哉竊念三十年爲一世而一世一修譜之期今又在首五年矣顧今長老凋零見聞疎遠後人何以考德而徵信乎諸宗惟是之懼謀所以亟修譜牒而宗人之有廩俸於外者各出力相其復實宗訓也族從兄有偉氏嫻習譜系始終主其事凡考訂者三閱歲攏印者六易月而工告完宗

黨以余爲屬尊而屬之以序其何敢以不文辭至於義例之一  
仍舊例則前後紀述在今不復贅而凡同是譜者思所以聿修  
厥德克趾前武不以世祿爲貴而必以尚德爲難則庶不失修  
譜之本意云爾後孫資惠大夫工曹判書兼知 經筵弘文館  
提學五衛都摠府都摠管原任 奎章閣直閣有薰謹序

派譜舊序

譜者追先合族之大義也古聖人之治天下克追其先而大合其族斯乃王化之原人倫之大於是乎孝敬之心篤矣親愛之情至矣故生民詩著追始之道行葦詩揭敦睦之義於不顯乎豈不美哉此固周官小史之遺制也而世家名族皆有氏譜淵源漸久支派益繁至於同貫異譜則宋蘇氏之論小宗瀝施於天下此所以爲後世派譜者也惟吾大丘之徐同是一祖支派蕃衍亦依小宗法而一爲版圖公派一爲少尹公派而派別愈蕃不盡勝記而累經亂離各散圖生則或失來脉與文籍而無可證者以一祖一孫視若路人實爲愛惜之中惟獨湖南之散處諸宗尤爲殘微漸失京宗之顧護且阻大丘之互踵可勝歎

哉惜哉余到湖南茲與數三宗中爛覆相議自少尹公以下無論某派因各其派系文集家來合力修譜盡其追先之通明其合族之義庶幾有補於詳親而畧疎云爾都尉公九世孫達士相哲謹序

都尉公派譜舊序

惟我徐氏以東方大族子孫散居八域其爲貴凡七而吾徐以  
連城爲貴也子孫繁衍如水之有源木之有根其源深則其流  
也有派其根固則其蕃也有枝若不尋源誰能分派若不從根  
孰能別枝是以不爲同譜無異於路人故晝宵薰念修譜之意  
通諭于各邑散處諸宗而落落難合卒難會同于今三年矣慨  
然不已之際京倉洞族宗進士相哲氏適會意下來以都尉公  
派家乘修成之意警我積鬱故今此仲夏會同近邑修譜一帙  
嗟我同譜之族勿爲泛疎上有孝悌之義下以敦睦之情雖百  
世子子孫孫繼繼承承於萬斯年不忘其初永邇勿替恪修至  
親之誼敬之戒之千萬千萬

卷之三

七言律詩

派譜舊序

譜何爲而作爲後者承先之義也夫天生烝民皆有姓號名字而至若世代浸遠子孫愚微則難以盡記其代數與名行故先聖作爲譜濶垂訓後生而一有大同譜又有小宗法亘百代而世系來脉歷歷可考則孝敬之心自在親愛之情尤功焉不美乎豈不壯哉噫吾徐雖姓同貫異而原是一祖之緣淵源漸久支派益蕃亦依小宗法而派別愈蕃派分爲派支分爲支而各祖其祖各譜其譜貴而忘賤賤而難貴或入於賤役而別無顧護之意乃有貴賤之殊以同宗之地視若他人者彼何孫也此何孫也此實出於後裔繁衍之致也然反而思之似有不然者矣以鼻祖有靈豈無冥冥之責耶惟獨湖南沿邑之諸宗落落

太史公世家

今散托根未固發源不深此如淮陽之橘渡海爲枳荆山之玉  
埋塵如石矣於不惜乎豈不痛哉適京居族從進士相哲氏以  
門事下來特憐諸宗之賤徵屬余以修譜茲敢收聚宗彙詳近  
代而親遠族云爾都尉公十代孫丙準謹跋

派譜舊序

古聖人之治天下克追其先而大合族斯乃王化之原人倫之  
大故國有萬姓之譜家有一姓之譜萬殊之一理也章家月朝  
之會親其親也范相義庄之置厚於厚也篤恩行義如是深固  
則雖世世不譜可也過此以往天壞易處世級寢降派流紊類  
安知無崇韜拜汾陽之墓乎程子曰厚風俗不忘本須是明譜  
系蓋收族而治譜者欲其尊祖而重本也肆昔老泉之序東萊  
之圖莫不眷眷於此而爲哉粵在壬子先父老慨然有意於  
修譜發文八路收聚古蹟以少尹公爲遠祖遂成一帙世傳  
於焉一甲之周有餘年或有三世而不入者或有七袞而未叅  
者有欠於繼承之典矣歲在癸亥京鄉闔宗老少一席爛商殆

至八載今始竣事二十九卷世譜全帙陪藏于新石宗家則他處諸宗願奉家乘譜遠近譜草先後來到叅互考正更成草卷一帙於是乎千年舊族宗支先后世代次序開卷瞭然修譜年條古今相符昔之不明者今焉始明向之未知者今焉始知則此豈非文獻之足徵而吾家之大幸耶諸宗系分雖有遠近之殊而各派祖先俱載一卷之中則或居不得相同喜慶憂患而事有不逮而摠之爲一祖之孫也永言思之能不愴然于中乎從今以後由根而尋葉自源而溯派不間疎畧而益敦厚之固莫計尊卑而務盡和好之義繼世惕念遵而勿替則胡不猗猗譜之成在庚午蓋體先輩之遺意而追既往之未遑云爾

庚午十一月 日都尉公十世孫教官丙喜謹序

# 大邱徐氏派譜卷之仁

大丘別補爲達城輿地勝覽云大丘府新羅達句火縣後

改壽昌郡 本朝置鎮爲都護府達城在府西四里石築周九

百四十四尺有三井三池軍倉

周遭天作因以爲城而幅圓狹小不足爲城池之用今無人家只有公廨柱礎

一世

二世

三世

四世

五世

六世

遠祖徐閑

以下五世譜  
軼無傳

字仁里

高麗朝奉大夫軍器少尹墓在大

興郡近東西炭坊里癸坐原

夫人金氏祔雙墳各有表漫泐

英祖癸亥改樹新表合刻後孫左

叅贊宗假記陰

吏曹判書宗王

書左議政命均

題前面

按舊

譜書以高麗代

京朝中郎將而

高麗無代宗廟

號今從舊表夫

人封號壬午譜

但曰夫人丙辰

譜則曰淑夫人

然高麗無淑夫

人號其後印舊

表細尋字痕乃

是郡夫人與高麗

封號合今從之但

舊表郡字上擢

折處可容二字

必是邑號而不

可考且郡夫人

與少尹似不同

品有未敢知也

七世

益進

高麗判典客寺  
事本朝 贈戶曹參判

子義

字子常

高麗戶曹典書  
本朝贈兵曹  
府事

子彌性

武科歷義禁府  
都事官止宣教  
郎彥陽縣監

子居廣

見下五板

九世

洪武癸亥生  
文己卯生員  
元歷司憲府執  
義遺稿有執義

天順己卯婺坡州  
安州牧使大夫  
坐本府之語  
官止通政大夫  
贈純忠補祚功臣

子彭召

十世

子彭呂

見下五板

十一世

配陽金氏父開城  
尹一云判官淑  
明改名崇祖左  
政丞彥陽府院  
君貞烈公倫曾  
祖僉議叅理大  
學士文慎公聯  
仁縣襄有先墳  
之句而兩代墳  
山俱失傳

孝宗丁酉年間訪  
肅宗丙子九代孫  
表

肅宗辛巳七代孫  
文裕爲京畿觀察  
使改樹新表  
七代孫領議政  
文重記陰八代  
孫禮曹判書宗  
洞艮坐原舊有  
玄葵長湍府西  
南都羅山承旨  
達川府院君辛

勝覽  
載興地  
泰書彥陽縣有  
遺愛碑載興地

派譜跋

觀夫天道好還之理徵諸人事多可驗不惑者惟我徐姓之家承濶嘆其源遠流長積善餘慶至今愈顯也夷攷徐姓爲夏禹之後裔有諱偃爲王衢州仁義之治四方咸服大稱盛世也有諱延道學濶源與孔子五十四世孫孔紹東遷以禮書禮服致禮東國爲平章事亦載孔氏之譜耳有壽神逸澤及獸徒仍得靈基英子令孫有弼熙訥後孫其麗蟬聯煊赫于諸韓名卿碩德匡國勲功不可彌述若四佳公諱居正哲學諸書著作東國通鑑與大同韻部羣玉諸集士大夫擬以洪範而推重其書遍于全國無遠不暨以福斯民於是可驚其學術將能左右世界云云封達城君忠肅公諱濶自入朝廷補相國政昭載朝譜朝

大丘衍氏世譜

銀而當壬辰之亂出征咸北會寧之間脫還壬子及宰臣賜謚忠肅自古及今溯其源則何莫非其蔭之好還所聞者耶譜規義例前譜備具以予巴東之學敢不復贅云爾

丙申七月上幹

藥峯十二世孫廷桂謹跋

跋

蓋自天降生民有民有國有國有史史中由某一家之家爲之  
譜從其門族望辨婚姻叙鉉選典莫重焉故司馬溫公取李冰  
之家乘而載之史然後人始知其譜規大有關於人者也君子  
之澤五世而斬小人之澤五世而斬然則世代益遠子孫愈繁  
人至萬億雖在遙近詳不可盡稽其詳若非此譜圖譜局安  
能辨其宗支昭穆之分明也哉丁卯庚午之間重鑄世譜之  
後世道罔惻國內處處有桑田碧海之狀地方家家有十死九  
生之變莫論親疎身蹈禍釁族從丙喜嫻習譜系累年積慮之  
下發議修譜仍通遠近遂合譜草刊行先誌歷代之名蹟班班  
可攷子孫之眼歲昭昭可質雖愚昧之族開卷瞭然可想豈非